

FIAINANA ANDAVANANDRO

Mitazam-potsiny ny mpanjifa sisa ny fitondrana

Noezahan'ny fitondrana, tamin'ny alalan'ny fanirahana ireo olona rehetra eo ambany saokany azony baikoina, ny nandrava ny hetsika fitakiana nataon'ireo fikambanan'ny mpiaro ny zon'ny mpanjifa ny zoma 10 Desambra lasa teo iny. 13 andro aty aoriana tsy re irentsony izay tohin'ny hetsikany. Izay rahateo no tadiavin'ny fitondrana ahatongavana ny hanginan'ny vahoaka sy tiany hiharitra ny mafy amin'ny fiainany andavanandro eo na tsy zakany aza. Iaraha-mahita anefa ny fidadangan'ny vidim-piainana sy fiaka-bidin'ny zavatra rehetra indrindra amin'izay ilaina, mba hiatrehana ny

fety ho avy afaka andro vitsy. Izay no tian'izao fitondrana izao sy ireo miaradia aminy rehetra iainan'ny vahoaka Malagasy. Ny politika malotony, dia avy eo izy mody mizara fanampiana etsy sy eroa amin'ny toerana maro samihafa, mba hisehoana fa mahatsiaro ny vahoaka izao fitondrana izao ary mahatsapa ny fahoriany. Lalaovina sy anaovana politika ilay fahantran'ny vahoaka Malagasy, mba hahafahana mihazona ny seza sy ny fitondrana ary mba hialabonana hatrany amin'ny harembe. Tsy fomba fitondrana firenena mendrika izany. Etsy ankilan'izay ihany koa, ilay fitondrana mita-



zam-potsiny tsy misy afit-soka, manoloana ny sondrobidim-piainana mamely ny sarambabem-bahoaka. Tsy misy ny vahaolana mahomby nentina na dia mody niseho nidina teny ifotony andro maromaro lasa izay nijery ny vidin'entana aza ny minisitra misahana ny varotra Edgar Razafindravahy sy ireo mpiara-miasa aminy. Ity ministra ity rahateo dia sahin'ny depiote no nilaza azy fa aotra (0) ny naotiny amin'ny fitantanana ity se-

hatry ny indostria sy ny varotra ity eto amintsika, izany hoo tena tsy mahomby koa toy ny teo alohany. Tsaroantsika ilay ministra "kapoaka". Tamin'ireny fotoana ireny dia efa hita avy hatrany ihany koa fa tsy hahomby ny asa ataony, fa mba miasa fe miasa, sy hitan'ny filohan'ny Repoblika, dia izany. Ny asa ataon'izao fitondrana izao amin'izao faran'ny taona izao dia tsy hanova ny fari-piainam-bahoaka velively. Ny fihanaky ny valanaretina rahateo ity manomboka mandona ny fivelomany indray, toy izay efa nisy teo aloha rehetra, izay tsy mbola tafarina aza mandraka ankehitriny.

Radafy

Sosialy

Mbola an-tsirambina ny fitandroana ny fahadiovana sy fidiovana

Na dia teo aza ny firosahan'ny orana tao anatiny roa andro teo aloha, ny hita omaly dia somary nadio tsy mena na mavo ny ranon'lkopa. Raha nandalo ny tetezan'Am-pasika iny ny omaly maraina dia tsy hita izay lokony milaza mavomavo fa tonga namana, mampiavaka an'lkopa izay rehefa avy orana toy izany. Io rano io anefa no anasan'olona marobe lamba, ary na tonga amin'izay lokony izay aza izy dia mbola misy manasa lamba ihany fa mihena fotsiny ny isan'izy ireo.



Ny tetezan'Am-pasika.

bodirano iny. Tena hita izao fa maloto ilay rano noho ny fako sy loto ao anatiny sy amin'ny sisiny, fa mbola misy manasa lamba ihany. Azo inoana fa hadio ve ny lamba nosasana amin'ireny rano ireny sy ny akanjo itafiana avy eo? Izany toe-javatra izany no iainan'ny vahoaka eo amin'ny fiainana andava-

nandrony eo. Amin'ny re-niranon'lkopa aza, mbola misy indray ankizy sy zotovo milomano, indrindra rehefa amin'ny fotoana na andro mafana sy tsy miakatra be ny rano. Rano tsy madio no anasana lamba sy ilomanosana. Misy minisitara miandraikitra ny fidiovana sy fahadiovana eo anivon'ny fitondram-panjakana, fa

toa tsy mihevitra ny ho voakasika ny amin'izany. Tsy hita soritra izay asa na ezaka na fanentanana fotsiny ataony momba izany ho an'ireny mponina voakasik'izany, fa toa variana any anaty biraony any na mifidy fotoana sy toerana idinana. Tandindonin-doza anefa ny fahasalamam-bahoaka ao anatiny izany. Avy eo indray, rehefa zava-mitranga vao mody mikoropaka, fa ny fisorohana mialoha ny zava-hitranga tsy hain'izao fitondrana izao mi-hitsy. Mila mahita asa mivaingana ny olom-pirene-na, fa tsy atao asa iseho-sehoana fotsiny sy antematemaka na lasan-ko vavany fotsiny toy ny natao hatramin'izay.

Radafy

Badminton tompondakan'i Madagasikara sokajy zokiny

Nifarana tamin'ny alahady 19 desambra 2021 lasa teo

Nifarana tamin'ny alahady 19 desambra 2021 lasa teo, tao amin'ny kianja mita-fon'ny ANS Ampefiloha, ny fifaninananam-pirene-na teo amin'ny taranja Badminton sokajy zokiny. Fantatra tamin'izany ireo tompondaka vaovaon'i Madagasikara eo amin'ity sokajy ity. Marihana fa mpandray anjara niisa 87 avy amin'ny Ligim-paritry ny Badminton 3 : Analamanga, Vakankaratra ary Atsinanana, nahitana klioba 9 : Mb2All, Baobad, Lcsmi Itaosy, Sci Itaosy, St Jo Mahamasina, Vttk Ivato, Manjakandriana Bc, EastDad, Antsirabe Badminton, no nandray anjara tamin'ny fifaninananana. Fantaro ary ireo tompondaka 2021 : Simple Homme Série A : Randriamalala Julio Keman (Baobad) nandresy an'i Tokinirina (Mb2All) seta 2-



Lalao Badminton eto amintsika.

0 , Simple Dame Série A : Razanamaly Soaniaina (Mb2All) nandresy andRazafimamonjarison (Mb2All) seta 2-1 (21-15/11-21/21-17), Simple

Homme Série B : Rakoto-Harivelo Lanja nandresy an'i Fidelis (Vttk Ivato) seta 2-1 (23-24/21-14/21-16, Simple Dame Série B : Rakotovao Tsiory (Antsii-

rabe Bc) nandresy an'i Serennah (Mb2All) seta 2-0 (21-12/21-19), Simple Homme Vétéran : Rakotomalala Jean Claude (Mb2All) nandresy an'i Albin (Lcsmi Itaosy) seta 2-0 (21-10/21-08), Simple Dame Vétéran : Rasolonoelina Sahondra (Baobad) nandresy an'i Ursule (Baobad) classement direct , Simple Homme Série C : Randrianarivelo Francki (St Joseph Mahamasina) nandresy an'i Hugot (Sci Itaosy) seta 2-1 (21-02/16-21/21-14), Simple Dame Série C : Raelisoamanalindraibe Sitraka (Sci Itaosy) nandresy an'i Daniella (Lcsmi Itaosy) seta 2-0 (21-20/21-17) , Champions Double Mixte : Randriamalala (Baobad) sy Sahondra Rasolonoelina (Baobad).

Rainilita

FJKM Ambohijanaka Gara Fitiavana Namarana ny fetin'ny taranaka ny alahady teo

Alahady alohan'ny krismasy isan-taona dia mamarana ny fetin'ny taranaka, ny Fjkm Ambohijanaka Gara Fitiavana, synodamparitany Antananarivo atsimo. Niditra indroa ny fiangonana izay notarihan'ny mpitandrina eo an-toerana, Baholimiranoro Olga Sylvere mpitandrina. Anisan'ny asan'ny fiangonana ankehitriny ny famitana ny tamboho atsimo ny fiangonana, izay hametrana hatro sampana valo ny tsara ho fantatra ao anatin'ny tetiandron'ny fiangonana sy ny sampana samihafa. Nanome lalana mirefy iray metatra, ho an'ny kaominina Ambohijanaka moa ny fiangonana satria tamboho no mampisaraka azy ireo ary mbola mitohy hatrany ny fanentanana, amin'ny famitana ity fotodrafitr'asa ity.

Ny alahady 19 desambra lasa teo ihany koa, no namaranana ny jobily faha-50 taonan'ny sampana dorkasy ao amin'ny Fjkm Ambohijanaka Gara Fitiavana. Voahaja hatrany ny sakana amin'ny hamehana ara-pahasalamana, ary fandraisana ny fanasan'ny tompo no namaranana ny fotoana teny an-toerana.

Rajo



Ny sampana Dorkasy ao amin'ny FJKM Ambohijanaka Gara Fitiavana.

Taratasin'ny mpamaky

Taratasy ampitaina amin'ny gazety Ny Valosoa sy izay mety hiantefany izao manaraka izao. Salama Tompoko! Iza no tena responsable an'io accident io, fa mivarotra ny ainy tsy fidiny ny zandry: 1/Iza no mbola nanome baiko hoe afaka misidina ny hélicoptères, anefa efa + de 18h, à 19h. Tany daholo PM, MDN sy SEG! Iza t@ izy ireo no nanome alalana. Toa efa nalaina ny Mpanamory gasy! 2/ Maninona no any @ helico bimoteur no mandeha i PM sy MDN, fa ny zandry no asaina mi-risika amin'ity helico Monomoteur no sady pièce atambatambatra. Dia lazaina fa ilay vazaha no mahay! 3/ inona no efa fantatr'i Lt-Col Rakotomiliarison no nahatonga azy nitondra Mécanicien. 4/ Nota: Ary aiza ity ministre ny transports, premier responsable ny fitateran'Andranomasiana no tsy namonjy tany Sonierana Ivongo ireo trà-doza! Fa ireto milices ireto no mandeha irery tany! Ankoatr'izany, ny convois militaires dia mahavoa-sazy ny chef de bord ny mandeha aorinan'ny @ 18h. Mahery vintana ve i PM? Depuis 2019, roa izay ny colonels maty tao akaikiny tao. Col Roger (la 20) t@ 2019 (intendant de palais de Mahazoarivo), Col DS-ny ity (la 21) indray izao! Morts subites avokoa! Ny mahagaga, notre chef de guerre: "Vao naheno ilay helico nianjera hono i PM, tonga dia nivalana, dia lasa nankany Tamatave." Fa tsy azo nosorohina ve izao loza izao ? tsy izay manjary manao werwera hoe miasa mafy anefa resaka tandrevaka no nahafaty olona. Tsy nisy contrôle de procédure (transport clandestin), Tsy nisy ny respect de procédure (vol de nuit d'un helico militaire). Ampieritretana ireo rehetra tompon'andraikitra izao voalaza izao !

Ramananjato Adrien Ampasambazaha, Fianarantsoa.